

(3) Zakona o srednjem obrazovanju ("Službene novine Kantona Sarajevo", broj 23/17, 30/19 i 33/21), Vlada Kantona Sarajevo, na 54. vanrednoj sjednici održanoj 27.08.2024. godine, donijela je

ODLUKU
O IZMJENAMA I DOPUNAMA ODLUKE O
PEDAGOŠKIM STANDARDIMA I NORMATIVIMA ZA
SREDNJE OBRAZOVANJE

I

U Odluci o Pedagoškim standardima i normativima za srednje obrazovanje ("Službene novine Kantona Sarajevo", broj 10/24 i 21/24) (u daljem tekstu: Odluka), u prilogu "Pedagoški standardi i normativi za srednje obrazovanje" koji je sastavni dio Odluke, u Uvodu iza teksta: "a do potpune popune kadrovske potreba svaka javna ustanova će poslove i radne zadatke nepopunjenih radnih mjesta urediti i propisati internim aktom koji uređuje tu oblast, uvažavajući specifičnosti i organizacijske i kadrovske mogućnosti i potrebe svake ustanove.", dodaje se rečenica koja glasi:

"Dijelovi Pedagoških standarda i normativa za srednje obrazovanje u Kantonu Sarajevo koji se odnose na školski prostor (tačka 1.), opremu, nastavna sredstva i učila (tačka 2.) i kapacitiranje ljudskim resursima stručnih saradnika, saradnika i osoblja za podršku funkcionisanja i rada škola (tačka 6., 8. i 12.) realizirat će se postepeno u skladu sa odobrenim budžetom Kantona Sarajevo."

II

U prilogu "Pedagoški standardi i normativi za srednje obrazovanje" koji je sastavni dio Odluke, u tački 1. iza teksta: "Za domove učenika i internate u srednjim školama Kantona Sarajevo, Vlada Kantona Sarajevo donijet će posebne pedagoške standarde i normative", dodaje se tekst koji glasi: "a do donošenja istih, primjenjivat će se interni propisi ustanova usklađeni sa važećim propisima na dan donošenja ovih Pedagoških standarda i normativa".

III

U prilogu "Pedagoški standardi i normativi za srednje obrazovanje" koji je sastavni dio Odluke, u tački 5.2. u tabeli II Ostali poslovi tačka 15. mijenja se i glasi:

"15. Drugi poslovi po nalogu direktora 2-6 (13)".

IV

U prilogu "Pedagoški standardi i normativi za srednje obrazovanje" koji je sastavni dio Odluke, u tački 5.2. iza tabele II Ostali poslovi u alineji 13. iza riječi: "Nastavničkom vijeću." dodaje se rečenica koji glasi: "Ukoliko nastavnik vrši poslove EMIS odgovornog lica može mu biti dodijeljeno maksimalno do šest sati."

V

U prilogu "Pedagoški standardi i normativi za srednje obrazovanje" koji je sastavni dio Odluke, u tački 6.1. u prvoj tabeli tačke 3. i 4. mijenjaju se i glase:

3. Korepetitor za nastavu muzike (za svakih 19 nastavnih časova gdje je u skladu sa NPiP potrebna korepeticija) 1 izvršilac,

4. Korepetitor za nastavu baleta (za svakih 19 nastavnih časova gdje je u skladu sa NPiP potrebna korepeticija) 1 izvršilac,".

VI

U prilogu "Pedagoški standardi i normativi za srednje obrazovanje" koji je sastavni dio Odluke, u tački 6.2. u prvoj

tabeli u tački 11. riječi: "1 izvršilac" mijenjaju se i glase: "0,5 izvršilaca".

VII

U prilogu "Pedagoški standardi i normativi za srednje obrazovanje" koji je sastavni dio Odluke, u tački 7.14. u tabeli u tački 11. riječ: "učiteljima", mijenja se riječju: "nastavnicima", a riječ: "učitelja", mijenja se riječju: "nastavnika".

VIII

U prilogu "Pedagoški standardi i normativi za srednje obrazovanje" koji je sastavni dio Odluke, u tački 7.22. u tabeli u tački 12. iza riječi: "Poslovi javne nabavke", dodaje se broj "(3)".

IX

U prilogu "Pedagoški standardi i normativi za srednje obrazovanje" koji je sastavni dio Odluke, u tački 7.22. iza alineje 2) dodaje se alineja 3) koja glasi:

"3. Poslovi i radni zadaci za Sekretara koji se konkretno odnose na poslove javnih nabavki su u cilju zakonitog i pravičnog rada škole, da bi se isključila težina nepravilnosti koja je stepen povrede Zakona i podzakonskih akata iz oblasti javnih nabavki, posebno ukoliko je dokazana povreda osnovnih principa javnih nabavki definisanih Zakonom: trošenje javnih sredstava, pravedna i aktivna konkurencija među ponuđačima, jednak tretman (nediskriminacija), transparentnost. Poslovi javnih nabavki za koje je zadužen Sekretar škole odnose se na poslove pravne struke odnosno pravno-administrativne poslove".

X

U prilogu "Pedagoški standardi i normativi za srednje obrazovanje" koji je sastavni dio Odluke, u tački 7.23. u tabeli iza tačke 34. dodaje se nova tačka koja glasi:

"35. Poslovi javne nabavke (2)".

XI

U prilogu "Pedagoški standardi i normativi za srednje obrazovanje" koji je sastavni dio Odluke, u tački 7.23. iza teksta: "može angažovati računovodstvenu agenciju." dodaje se rečenica: "Poslovi javnih nabavki za koje je zadužen Saradnik za finansijske i računovodstvene poslove odnose se na poslove ekonomske struke".

XII

U prilogu "Pedagoški standardi i normativi za srednje obrazovanje" koji je sastavni dio Odluke, u tački 9.1. u tabeli Profil i stručna sprema iza alineje: "- psiholog: VII stepen stručne spreme ili završen II ciklus bolonjskog sistema studiranja." dodaje se alineja koja glasi: "- nastavnik praktične/tručno-teorijske nastave: VII stepen stručne spreme ili završen II ciklus bolonjskog sistema studiranja."

XIII

U prilogu "Pedagoški standardi i normativi za srednje obrazovanje" koji je sastavni dio Odluke, u tački 9.1. iza teksta: "spomenuti radnici ostaju na svojim poslovima i radnim zadacima i nisu dužni sticati viši stepen ili drugu stručnu spremu od one koju posjeduju." dodaje se rečenica koja glasi: "Izuzetno, nastavnici koji su u radnom odnosu na neodređeno vrijeme, a za čijim radom je potpuno ili djelimično prestala potreba u srednjim školama kao javnim ustanovama na području Kantona Sarajevo, a imaju završen najmanje I ciklus Bolonjskog sistema studiranja mogu se rješenjem ministra rasporediti na poslove asistenta u odjeljenju."

XIV

U prilogu "Pedagoški standardi i normativi za srednje obrazovanje" koji je sastavni dio Odluke, u tački 12.. u prvoj tabeli u tački 10. riječi: "0,4 izvršilaca" mijenjaju se i glase: "1 izvršilac".

XIV

Ova odluka stupa na snagu danom donošenja i objavit će se "Službenim novinama Kantona Sarajevo", a primjenjivat će se od 01.09.2024. godine.

Broj 02-04-40378-2/24
27. augusta 2024. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 16. stav (2) i 67. Zakona o predškolskom odgoju i obrazovanju ("Službene novine Kantona Sarajevo", broj 26/08, 21/09, 33/21 31/22), Vlada Kantona Sarajevo, na 54. vanrednoj sjednici održanoj 27.08.2024. godine, donijela je

ODLUKU

O IZMJENAMA I DOPUNI ODLUKE O PEDAGOŠKIM
STANDARDIMA I NORMATIVIMA ZA PREDŠKOLSKI
ODGOJ I OBRAZOVANJE

Član 1.

U Odluci o Pedagoškim standardima i normativima za predškolski odgoj i obrazovanje ("Službene novine Kantona Sarajevo", broj 46/16, 12/21 i 20/22), u poglavlju V, član 15. stav (5) iza teksta: "- Asistenta u grupi - Asistent u grupi optimalno radi sa dva djeteta s teškoćama, a maksimalno sa 4 djeteta sa teškoćama, u više odgojnih grupa", interpunkcijski znak: "tačka", zamjenjuje se interpunkcijskim znakom: "dvotačka" i dodaje se tekst: "- Asistenta u grupi u centru - 0,5 izvršilaca za svaku odgojnu grupu."

Član 2.

U poglavlju V, član 15. stav (8) mijenja se i glasi:

"(8) U odgojnim grupama u centrima mogu se angažovati stručni saradnici u centru, asistenti u grupi u centru i medicinske sestre u centru za pružanje dodatne podrške djeci s teškoćama u razvoju i to:

- stručni saradnik u centru - edukator-rehabilitator/defektolog različitog usmjerenja - jedan izvršilac na 15 djece sa teškoćama u razvoju;
- stručni saradnik u centru - logoped - 1 izvršilac na 15 djece sa teškoćama u razvoju;
- medicinska sestra u centru za potrebe osiguranja dodatne njege i brige o djeci sa teškoćama u centru - 1 izvršilac na 35 djece sa teškoćama u razvoju."

Član 3.

Ova odluka stupa na snagu danom donošenja, a primjenjivat će se od dana objave u "Službenim novinama Kantona Sarajevo".

Broj 02-04-40378-3/24
27. augusta 2024. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada

Kantona Sarajevo, na 54. vanrednoj sjednici održanoj 27.08.2024. godine, donijela je

ODLUKU

O DAVANJU SAGLASNOSTI ZA PRODUŽENJE
RADNOG VREMENA TOKOM TRAJANJA FESTIVALA
"DANI PIVA I HRANE"

I

Daje se saglasnost za produženje radnog vremena do 01:00 sat za vrijeme trajanja Festivala "Dani piva i hrane" koji se održava u Sarajevu na lokaciji Vilsonovo šetalište (ljetna bina kod Zemaljskog muzeja) u periodu od 27. do 31. augusta 2024. godine, gdje će, pored festivala hrane i pića, javno nastupiti i deset različitih muzičkih izvođača.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-40378-4/24
27. augusta 2024. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 104., 106., 107. i 108. Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo ("Službene novine Kantona Sarajevo", broj 24/22, 40/22 i 7/24), člana 105., 106., 107. i 109. Kolektivnog ugovora za djelatnost srednjeg obrazovanja u Kantonu Sarajevo ("Službene novine Kantona Sarajevo", broj 38/22, 47/22, 28/23, 31/23 i 7/24) i člana 4. Pravilnika s kriterijima za proglašenje radnika za čijim radom je potpuno ili djelimično prestala potreba u osnovnim i srednjim školama kao javnim ustanovama na području Kantona Sarajevo ("Službene novine Kantona Sarajevo", broj 09/22), Vlada Kantona Sarajevo, na 55. vanrednoj sjednici održanoj 29.08.2024. godine, donijela je

ODLUKU

O USVAJANJU PLANA I PROGRAMA ZBRINJAVANJA
VIŠKA RADNIKA ZA ČIJIM RADOM JE PRESTALA
POTREBA U USTANOVAMA

I

Usvaja se Plan i program zbrinjavanja viška radnika za čijim radom je prestala potreba u ustanovama.

II

Ovlašćuje se premijer Kantona Sarajevo da potpiše Plan i program iz tačke I ove odluke.

III

Zadužuju se javne ustanove koje zaključie ugovore sa radnicima, koji su predmet Plana i programa iz tačke I ove odluke, da putem Ministarstva za odgoj i obrazovanje Kantona Sarajevo i Ministarstva kulture i sporta Kantona Sarajevo, izvijeste Vladu Kantona Sarajevo o realizaciji ovog plana i programa.

IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-40593-1/24
29. augusta 2024. godine
Sarajevo

Po ovlaštenju premijera
Ministar
Adnan Šeta, s. r.